

四明叢書第一集跋

吾友張君約園刊其鄉獻遺箸爲四明叢書第一集自漢以下凡二十四種百三十有六卷陳序所謂採千載之遺韻收百世之闕文兼於聽政布教者也顧君之刊行叢書其表彰先哲之志世類能知之至於悲天憫人之深輒欲以散簡殘篇辭嚴而義正者付諸剞劂用式浮靡蓋隱然以世道人心爲己任者如此其微愷所在則請得而言焉初君長光華大學卽出家藏聚珍版明本釋一書景印分貽諸生約園叢書之刻斯爲嚆矢明

四明叢書 第一集跋

一四明叢書

約園刊本

本釋者宋東平劉子卿先生徵引六經語孟次及元祐諸賢言行以證明事物之本其中至理名言彙見層出君以爲時至今日道喪文敝極矣人人逐末而不務本因先以此書匡球其失故觀於明本釋之行而君之續成叢書之旨概可見也四明學術淵源於任子君錄意林所存三百八十言冠於叢書之首自序謂寓亂極思治意願鄉人守其教推以治己治人余平日讀易篤信貞元剝復之理身經喪亂未嘗不接以自壯每與君反覆辨論久而彌堅此序卽揭發斯旨是真可以相視而

笑莫逆於心者矣君所收鄉先生之書不下百種方期以十年精力次第刊行丹鉛點勘日不暇給用心之苦矢志之堅迥非尋常述作所可比擬茲編旣成爰不辭而書其後庶君正誼明道之隱衷得益釋於世云壬申冬日古閩何剛德跋

四明叢書第一集後序

壽鏞不揣謏陋既輯四明叢書第一集都二十四種一百三十六卷集古語以弁諸篇之二十人者豈足以盡鄉先哲哉蓋道德文章湮泯於世者久卽有所已著而所未著者不少也汲汲然先之若將不及者非其人必待其書以傳也其書之有裨於世世固有待於其書也天下之書夥矣而書豈限於一鄉一鄉之書又豈足供天下今之所述者一鄉之士而皆天下之士也非惟天下士也以俟百世而不惑者也綜而論之累世一聖

四明叢書

第一集後序

一

四明叢書

納閣刊本

千里一賢學之與教審其所治在不使一日失業而已世之亂也貌儒謹者而中或餒風流自命者狂亦非真直節一挫姦邪乘之心之精神垂垂盡矣史之所紀諸子百家之所論述騷人詞客之所詠歌時之所遭情之所寄皆其迹也困學而多聞約文而備義務適於用而人亦推服之樂道之而弗已至於以罪失官以罪得學譬諸失魚而得熊掌此則魁人奇士尤所翕然深許者也其或抱家國之痛息機摧橦碧血蒼燐使人心惻無益之書不讀無益之文不作不爲孤峯峭壁之人而予

人以可受蓋經生之所志者然也夫宋之義理漢之訓
詁皆有裨於教學媚與徇則非矣更有不得已託之詩
文以自娛簿書鞅掌之餘偷閒著述是其用心之苦亦
可哀已嗚呼幼而不學老徒增悔追溯夙昔先君子所
以教壽鏞者曰養身砥品齊家勵學易簪之日又復執
壽鏞手曰堯舜之道孝弟而已矣夫子之道忠恕而已
矣言猶在耳忽忽三十有二年而壽鏞五十有七歲矣
志之所存百不償一顧求鄉先生遺箴者已二十年更
得諸君子佐之幸有所成今歲生日作詩四首其三曰

四明叢書

第一集後序

二四明叢書

約園刊本

鄉獻搜羅愧已遲天公儻假十年期榮陽不再謝山逝
後死仔肩更屬誰茲者四明叢書第一集告成將繼續
而謀第二集之梓爰書於後知我罪我所不辭云民國
二十一年十二月張壽鏞

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本